



22. septemperi 2016

UKA2016/120

Uunga siunnersuut: Tusagassiutinut tapiissuteqartarneq pillugu Inatsisartut inatsisaat nr. xx. xx 2016-imeersoq.

(Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq)

Tusagassiutinut tapiissuteqartarneq pillugu inatsisartut inatsisissaannut siunnersuut tamatumuuna saqqummiuneqartoq pillugu oqaaseqarfigissavarput.

Tusagassiutinut tapiissuteqartarnissamik saqqummiussaqrneq tamat oqartussaaqataaneranni siuarsaasussaq aammalu tamatta inuiaqatigiinni oqallitarnissamut annertusaasussaq inatsisartut inatsisaannik sinaakkutaqartussaq saqqummiunneqartoq nuannaarutigalugu oqaatigissavarput.

Tassanimi qulakkeerneqassammat kiffaanngissuseqarluni oqaaseqarsinnaanerup suli nukittorsartuarnissaa, aammalu aporfeqanngitsumik isummersorsinnaanerup nukittorsarneqarnissaa, soorunami inuup ataqqinassusia ataqpeqatigiinerullu aamma mianeralugu ingerlanneqarnissaa kissaatiginarpoq.

Tusagassiornikkut periarfissat pitsanngorsarneqarnissaa soorunami annertuumik soqutigalugu taperserparput naalakkersuinikkummi ingerlatsineq nakkutigilluarneqassappat tusagassiorfiit ingerlalluarnissaat aammalu killeqanngitsumik tusagassiorsinnaanerat pitsaasumik inatsimmik toqqammaveqartariaqarpoq tamannalu massakkut anguneqassammat soorunami tamakkiisumik taperserparput.

Ilanngullugu oqaatigerusupparput tusagassiornikkut innuttaasunut pitsaasumik apuussisarnissaq sumiluunniit qulakkissallugu pisussaaffigisariaqarparput. Aviisiuppata raadiukkoorpata imaluunniit qarasaasiakkut ingerlanneqarpat tv-korpalluunniit.-

Inatsisartut ataatsimiittarnerat innuttaasunut matulluinnartutut taagaanni immaqaa uniorpallaanngilaq. Soorunami tv-ikkut qarasaasiakkullu periarfissaqarpoq tamannalu aatsaat anguneqarsinnaavoq illumi angerlarsimagaanni.

Innuttaasunut suliassat inatsisiliornerit allarpasuillu apuunneqassappata pinngitsoorneqarsinnaangilaq raadiukkut aallakaatitsilluni inatsisartut ataatsimiinnerannik malinnaasoqarsinnaanissaa, taamaattumik tamat oqartussaqaataanerat innuttaasunut amerlanerpaanut apuutissappat, pinngitsoorneqarsinnaanngilaq raadiukkut aallakaatitsisarnissaaq.

Qanoq eqqarsartoqarpa inatsisartut siulittaasoqarfianni tassami qulakkiigassaraat oqartussaaqataanerup innuttaasunut tamakkiisumik apuunneqarnissaa qulakkiissallugu, inatsisartut sulinerat tamakkiisumik nakkutigineqassappat pinngitsoorneqarsinnaanngimmat sumiluunnit malinnaasoqarsinnaanissaa.

Taamatut oqaaseqarluta tusagassiutinut tapiissuteqartarnej pillugu kulturimut ilinniartitaanermullu ataatsimiititaliami suliarineqarnissaa innersuussutigaarput.

Hans Enoksen